

UREDBA

O DRŽAVNOM ARHIVU NARODNE REPUBLIKE BOSNE I HERCEGOVINE

Član 1

Osniva se Državni arhiv Narodne Republike Bosne i Hercegovine sa sjedištem u Sarajevu.

Državni arhiv je samostalna ustanova Pretsjedništva vlade.

Član 2

Državni arhiv ima zadatak da sakuplja, sređuje, čuva i po propisanim uslovima omogućuje proučavanje arhivskog materijala koji se odnosi na državni život i razvitak kao i privrednu, političku i kulturnu istoriju naroda.

Član 3

Državnim arhivom upravlja upravnik.

Za upravnika može biti postavljeno samo lice sa fakultetskom spremom koje je svojim stručnim radom u arhivističkoj struci okvalifikovano za rukovođenje poslovima Državnog arhiva.

Član 4

Arhivski materijal može se pregledavati i proučavati u redovno radno vrijeme po odobrenju upravnika Državnog arhiva i uz nadzor odgovornog službenika.

Arhivski materijal može se objavljivati samo po specijalnom odobrenju upravnika Državnog arhiva grada Sarajeva.

Arhivski materijal mlađi od 50 godina može se objavljivati samo uz prethodno odobrenje Pretsjednika vlade.

Iznošenje arhivskog materijala odnosno njegovo izdavanje iz Državnog arhiva je zabranjeno.

Član 5

Zemaljski muzej u Sarajevu kao i sve ostale ustanove i nadležstva predaće Državnom arhivu sav materijal označen u članu 2 ove uredbe koji potiče iz vremena prije 1918 godine. Od ovoga se izuzimaju oni gradski narodni odbori koji osnuju svoj gradski arhiv.

Izbor i predaja arhivskog materijala vršiće se pod stručnim rukovodstvom pretstavnika Državnog arhiva i ima se završiti u roku od 2 godine od dana stupanja na snagu ove uredbe.

Član 6

Sva pravna i fizička lica koja raspolažu arhivskim materijalom iz čl. 2 ove uredbe dužna su dostaviti prepis spiska toga materijala Državnom arhivu, te su o svakoj prinovi i promjeni dužni izvjestiti Državni arhiv.

Član 7

Državni arhiv ima svoj predračun prihoda i rashoda u sastavu predračuna prihoda i rashoda Pretsjedništva vlade.

Član 8

Ovlašćuje se Pretsjednik vlade da donosi propise za izvršenje ove uredbe kao i bliže odredbe o organizaciji i radu Državnog arhiva.

Član 9

Ova uredba stupa na snagu danom objavljivanja u "Službenom listu Narodne Republike Bosne i Hercegovine"